

Urdd Gobaith Cymru

Telerau ac Amodau Gweithgareddau

Mae'n allweddol eich bod yn darllen, deall ac yn derbyn yr amodau canlynol cyn arwyddo'r Ffurflen Archebu Lle ar weithgaredd Urdd Gobaith Cymru (Urdd).

1.EICH TÂL : Eich Tâl yw cyfanswm tâl y weithgaredd - a fydd yn cael ei osod yn ôl y pen. Nodir ar bob taflen beth sydd yn gynnwysedig yn y pris. Rhaid derbyn taliad/blaendal wrth archebu lle ar unrhyw weithgaredd ble codir swm penodol i fynychu. Wrth arwyddo'r Ffurflen Archebu rydych yn arwyddo cytundeb ac yn ymrwymo eich hun i dalu tâl y weithgaredd. Mae eich cytundeb gydag Urdd Gobaith Cymru, elusen gofrestredig (rhif 524481) a chwmi cyfyngedig dan warant (rhif 263310), wedi'i gofrestru yng Nghymru, a'i swyddfa gofrestredig yw Swyddfa'r Urdd, Gwersyll Yr Urdd, Glan-llyn, Llanuwchllyn, Y Bala, Gwynedd, LL23 7ST. Mae'r cytundeb yn ddarostyngedig i gyfraith y wlad ac i awdurdod neilltuedig y llysoedd. Y cyfeiriad ar gyfer pob gohebiaeth ar bob mater sy'n ymwneud â'r cytundeb hwn yw eich Swyddog Lleol, ceir rhestr ar www.urdd.cymru


2.TALIADAU : Unwaith mae'r Ffurflen Archebu wedi'i harwyddo a'r blaendal/tâl wedi'i dalu mae'r archeb yn un gadarn. **Ni ad-dalir y blaendal** ac eithrio mewn sefyllfa ble mae Urdd Gobaith Cymru yn gohirio neu ganslo'r weithgaredd.

- Ar gyfer teithiau dros nos mae gweddill y tâl yn ddyledus chwe wythnos cyn dyddiad y gweithgaredd,
- Ar gyfer gweithgareddau undydd mae'r gweddill y tâl yn ddyledus tair wythnos cyn y weithgaredd.
- Os gwneir yr archeb lai na chwe wythnos cyn dyddiad cychwyn y gweithgaredd (teithiau dros nos), mae'r tâl llawn yn ddyledus wrth archebu. Pe na thelir y tâl, mae'r Urdd yn cadw'r hawl i ddileu eich archeb. Fe anfonebir ar wahân ar gyfer unrhyw daliadau ychwanegol a godir am weithgaredd, e.e. difrod neu golled i offer neu eiddo arall, a bydd y taliadau hynny yn ddyledus ar dderbyn yr anfoneb.

3. NEWIDIADAU NEU DDIDDYMU/CANSLO AR EICH RHAN CHI : Newidiadau: Os ydych yn dymuno newid manylion yr archeb ar ôl talu'r blaendal, fe wnawn ein gorau i gyflawni'r newid, ond ni ellir gwarantu bod hynny'n bosibl. Rhaid rhoi cais ysgrifenedig (post neu e-bost) ar gyfer unrhyw newidiadau. Codir tâl gweinyddol o £10:00 ar gyfer pob newid, yn daladwy ar adeg y newid. Fel arfer, ni fydd newidiadau yn bosibl llai na chwe wythnos (teithiau dros nos) a tair wythnos (gweithgaredd undydd) . Os, am ba bynnag rheswm, na allwn gyflawni'r newid, mae'r archeb wreiddiol yn parhau yn gytundeb cadarn

Diddymu/Canslo Os ydych yn dymuno diddymu eich archeb rhaid i chi ein hysbysu yn ysgrifenedig (post neu e-bost). Mae'r diddymiad yn dod i rym ar y dyddiad y derbyniwn eich neges. **Ni ad-dalir y blaendal.** O fewn i 12 wythnos cyn gweithgaredd ni ad-dalir unrhyw dâl. Bydd unrhyw ad-daliad cyn y 12 wythnos ar ddisgresiwn Urdd Gobaith Cymru.

4. NEWIDIADAU NEU DDIDDYMU/CANSLO GWEITHGAREDD AR RAN URDD GOBAITH CYMRU : Man Newidiadau: Oherwydd natur y gweithgareddau, o dro i dro mae'n ofynnol arnom i wneud newidiadau bach ac yr ydym yn cadw'r hawl i wneud hynny. Ymdrechir i'ch hysbysu o'r rhain cyn gynted ag sy'n bosibl.



Newidiadau Mawr: Mae newidiadau mawr yn cynnwys cwtogi hyd/leoliad y weithgaredd. Mewn achos lle bo rhaid i ni wneud newid mawr cyn dyddiad cychwyn y gweithgaredd, fe'ch hysbysir cyn gynted ag sy'n bosibl a rhoi cynnig i chi: i) derbyn y trefniadau diwygiedig; ii) canslo'r weithgaredd a derbyn ad-daliad llawn. Os oes rhaid i ni wneud newid mawr unwaith mae'r weithgaredd wedi cychwyn, ni ellir canslo os gallwn gynnis trefniadau eraill addas.

5. LLEIAFSWM NIFEROEDD : Rydym yn cadw'r hawl i ganslo/gohirio gweithgaredd. Os digwyddir hynny, ymdrechir i roi o leiaf pythefnos o rybudd mewn ysgrifen cyn dyddiad cychwyn y gweithgaredd. *Byddwn yn trefnu ad-daliad llawn yn yr amgylchiadau yma.*

6. FORCE MAJORE : Ni fydd gorfodaeth i ni dalu ad-daliad, os y bydd rhaid i ni ganslo neu newid unrhyw agwedd o'r gweithgaredd oherwydd amgylchiadau tu hwnt i'n rheolaeth, lle na fydden ni, na'n cyflenwyr, wedi medru yn rhesymol rhagweld na rhwystro. Mae amgylchiadau o'r fath yn cynnwys ond heb eu cyfyngu i ryfel neu fygythiad o ryfel, gweithgaredd terfysgol, terfysgoedd neu anhrefn sifil, anghydfodau diwydiannol, trychinebau naturiol neu niwclear, tân, tywydd drwg, cau meysydd awyr, porthladdoedd neu orsafoedd, canslo neu newid amserlenni cludwyr awyr, tir neu'r môr.

7. YSWIRIANT : Cyngorhir chi yn gryf i sicrhau Yswiriant Teithio ar gyfer teithiau yn y Deyrnas Unedig wrth archebu eich gweithgaredd. Mae polisi yswiriant yn gynwysedig ym mhris teithiau tramor.

8. IECHYD : Danfonir Tystysgrifau Iechyd i chi ynghyd â gwybodaeth bellach. Dylid llenwi'r ffurflen a'i ddychwelyd at y swyddog perthnasol o flaen llaw. Rhaid i bawb ddatgan unrhyw anafiadau neu afiechydon difrifol ddiweddar. Ni allwn dderbyn unrhyw gyfrifoldeb dros anhwylder neu waethygu anhwylder a dioddefwyd yn ystod neu ar ôl y gweithgaredd os na ddatgelwyd anafiadau neu afiechyd ymlaen llaw. Ni all neb sydd wedi bod mewn cysylltiad gydag afiechyd heintus ymgymryd â gweithgareddau Urdd Gobaith Cymru oddi fewn i'r cyfnod cwarantîn arferol. Wrth gymryd rhan mewn gweithgaredd, rhaid i bawb gydymffurfio gyda'n rheolau diogelwch a disgyblaeth. Ni dderbynnir unrhyw gyfrifoldeb dros eich diogelwch os ydych yn fwiadol yn torri'r rheolau hyn, a chanlyniad posibl ymddygiad o'r fath yw eich anfon adre (gweler Ymddygiad isod). Dylid cyfeirio pob ymholiad penodol yn ymwneud ag iechyd a diogelwch i'r Cyfarwyddwr perthnasol.

9. YMDDYGIAD : Mae'n ofynnol i'r archebwr ar adeg archebu, ddatgelu yn llawn i Urdd Gobaith Cymru ac i'w gadarnhau yn ysgrifenedig, unrhyw afiechyd, anabledd, problemau cymdeithasol neu ymddygiadol sgan yr aelod neu gyflwr sydd newydd ymddangos, a all effeithio ar yr aelod neu aelodau eraill yn ystod y weithgaredd. Cedwir yr hawl o wahardd unrhyw aelod cyn neu ar ôl cychwyn y weithgaredd os nad ydym wedi derbyn yr wybodaeth gyflawn yn ôl barn y Swyddog neu os yw ei ymddygiad yn anghydnaws o gymharu â'r aelodau eraill. Os bydd hyn yn digwydd, bydd yr archebwr yn gyfrifol am unrhyw gostau ychwanegol a godir neu geisiadau gan drydydd parti, ac ni fyddwn yn atebol am unrhyw iawndal.

10. TAFLENNI : Mae unrhyw brisiau, datganiadau, disgrifiadau, darluniau, ffotograffau, lluniau neu unrhyw faterion eraill mewn unrhyw lenyddiaeth wedi'u gwneud mewn ysbryd o ewyllys da, ond nid oes gwarant eu bod yn fanwl gywir a'r bwriad yw creu darlun cyffredinol i gynrychioli ein nwyddau a gwasanaethau ac nid ydynt yn ffurfio unrhyw ran o'r cytundeb rhyngom. Cedwir yr hawl i ddiwygio ein nwyddau a gwasanaethau o dro i dro fel nad yw'r disgrifiadau a osodwyd yn ein taflenni neu lenyddiaeth arall yn union debyg i'r hyn a osodwyd yn y cynnig i chi.

11. CWYNION : Byddwn yn ceisio datrys problemau cyn gynted ag y tynnir ein sylw atynt. Os ydych eisiau cwyno yn ystod y weithgaredd, cysylltwch â'r swyddog perthnasol os gwelwch yn dda. Os na ellir datrys y broblem yn foddhaol, cysylltwch â'r cyfarwyddwr trwy lythyr / e-bost o



fewn 28 diwrnod o ddiwedd y weithgaredd gan osod manylion llawn yn y gwyn. Byddwn yn cydnabod derbyn eich llythyr o fewn 24 awr ac yn ymateb o fewn 7 diwrnod o dderbyn eich llythyr.

12. CANIATÂD RHIANT/GWARCHODWR : Os oes aelod o dan 18 oed ar ein gweithgaredd wrth archebu lle ar ein gweithgaredd, rhaid i riant neu warchodwr arwyddo'r Tystysgrifau lechyd gan nodi eu bod wedi'u darllen, deall a derbyn yr Amodau a Thelerau ac wedi rhoi eu caniatâd i'r person ifanc fynychu a chymryd rhan yn y weithgaredd.

13. ATEBOLRWYDD : Derbynnir atebolrwydd dros faterion sy'n codi o ganlyniad uniongyrchol i esgeulustod a/neu dorri cytundeb o'n dyletswydd gytundebol i sicrhau gofal wrth wneud y trefniadau gan gynnwys unrhyw weithredoedd gan ein gweithwyr neu asiantau. Yng nghyd-destun cludiant awyr, môr neu reilffordd a'r ddarpariaeth llety, bydd ein hatebolrwydd ym mhob achos wedi'i gyfyngu yn unol â'r confensiynau rhyngwladol perthnasol. Bydd cludiant gyda chlodwr penodol yn dod o dan amodau cludiant y cludwr hwnnw, a fydd yn cyfyngu neu yn ymwrthod atebolrwydd. Cymerir penderfyniadau gweithredol gan gludwyr awyr a meysydd awyr / porthladdoedd / rheilffyrdd sy'n golygu oedi, dargyfeiriadau neu ail drefnu. Nid oes gennym unrhyw reolaeth dros benderfyniadau o'r fath ac felly ni allwn dderbyn unrhyw gyfrifoldeb drostynt.